



## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Vniversis Principibvs Tam ecclesiasticis quàm mundanis in Theutonia  
constitutis.

**urn:nbn:de:hbz:466:1-20006**

## II De negotio imperij

753

multa dama & opprobria inferentes; nolque non sine multis & magnis expensis seditionem populi potuimus mitigare. Nunc autem adversario tuo sublato de medio, ne contra te alius suscitetur, quamvis nepos ipsius jam tibi adversarium se opponat, diligenti studio praecavemus, ad promotionem tuam efficaciter intendentates, sicut apostolica scripta testantur, que pro te diversis personis super variis articulis defensamus. Tu ergo, fili carissime, benignitatem & humilitatem cunctis ostendens, honorem & gratiam exhibeas universis, a sermonibus aperis & injuriolis operibus abstineas; nec in concessionibus durus, nec in promissionibus sis avarus, fideliter tamen observans utrasque; quia non dabis unum pro mille, immo recipies plusquam mille pro uno. Principes quoque tam ecclesiasticos quam mundanos per idoneam cautionem de omni reddas indemnitate securos, ad gravitatem & consuetudinem regiam teinformans. Personam vero tuam cautele custodias, & torpore deposito, sollicitudinem geras in omnibus vigilante. Si vero tibi videris expedire, ad consummationem matrimonij jam tractati \* securè procedas; super quo nos matri pueræ, Patriarchæ, Aquilegensi, & Henrico de Calandriño, nec non & Henrico de Massiech, nostras litteras destinamus. Super altero vero coniugio, si tibi & imperio expedire cognoveris, tunc nobis non differas beneplacitum intimare, de plenitudine gratiæ nostra securus quid ad omnia quæ tibi noverimus profutrum diligens studium impendemus & operam efficacem; sicut dilectus filius magister Henricus nuntius tuus regali prudentiæ poterit exponere viva voce, qui diligentiam & sollicitudinem nostram, propositum & affectum quem circa te gerimus, plenissimè intellexit.

### ARCHIEPISCOPO ET EPISCOPIS suffraganeis Magdeburgensis Ecclesia.

Epi. 154.

**C**um dissensionis materia quæ peccatis existentibus haec tenus in imperio pullulavit nimis damnosa fuerit, non tantum Romano imperio, verum etiam toti populo Christiano, nos, qui ad regimen universalis Ecclesiae superna sumus dispositione vocati, diligenter debemus sollicitudine praecavere ne per alicuius insolentiam reviviscat quæ per divinum iudicium est sublata, quamvis illud crudele facinus detestemur quod à filii Belial nequiter est commissum. Quocirca fraternitatì vestre per apostolica scripta mandamus & in virtute obedientiæ districte præcipimus quatenus ad pacem imperij fideliter intendentes, nullatenus permittatis, quantum pro viribus impedire potestis, ut quisquam de novo eligatur in Regem, ne fiat novissimus error peior priore. Ut autem omnis tollatur occasio malignandi, nos tam vobis quam aliis Archiepiscopis & Episcopis sub interpositione anathematice auctoritate apostolica interdicimus ne quis alterum inungere vel coronare præsumat; ita ut ipso actu excommunicatus existat quicunque contra hoc apostolicum interdictum de novo præsumperit inapdere vel suscipere hujusmodi sacramentum; sciatque se dignitatis & ordinis periculum incursum si

quis in hac parte præsumperit nostrum violare mandatum.

In eundem modum Archiepiscopo & Episcopis suffraganeis Ecclesia Magna.

In eundem modum Archiepiscopo & Episcopis suffraganeis Ecclesia Coloriensis.

In eundem modum Archiepiscopo & Episcopis suffraganeis Ecclesia Saltatigena.

In eundem modum Archiepiscopo & Episcopis suffraganeis Ecclesia Trevirense.

In eundem modum Episcopis suffraganeis Ecclesia Bremenensis.

Item Patriarche Aquilegensi & suffraganeis ejus.

VNIVERSIS PRINCIPIBVS TAM  
ecclesiasticis quam mundanis in Tocutonia  
constituis.

Epi. 155.

**C**um dissensionis materia &c. usque Quocirca universitatem vestram rogandam duimus & monendam, per apostolicam vobis scripta mandantes, & in remissionem peccatum in jungentes, quatenus ad pacem imperij fideliter intendantis, consentientes dispositioni divinae, quæ circa carissimum in Christo filium nostrum illustrem Regem Ottomene evidenter eluet, eique ad regendum imperium efficaciter assistatis; ne si secus a quoquam dannabili fuerit occasione præsumptum, præter divinam offendam, apostolicam quoque censuram incurrat. Nos enim eidem Regi, quem divino iudicio credimus approbando, nostrum in hac parte iudicium approbante, patari sumus ad honorem & exaltationem imperij favorem & auxilium impetriri, cum credamus quod & ipse ad honorem & exaltationem Ecclesie studium velit & operam adhibere; ita quod eo faciente qui est auctor unitatis & pacis, diebus nostris utrumque per alterum optatum suscipiet incrementum.

### ILLVSTRI REGI BOEMIAE.

Epi. 156.

**S**icut nuntiis & litteris tuis nobis multotiens intimasti, ab obsequio carissimi in Christo filij nostri Regis Ottonis illustris non voluntas, sed necessitas, te subduxit, integrum ei fidem servans in pectora, quam non poteras in opere demonstrare. Cum ergo jam ipsa necessitas divino iudicio si sublata, excusationem honestam prætendere non valeres, si ei de cetero non impenderes auxilium & favorem. Tu ergo, fili carissime, divinæ dispositioni consentiens, quæ causam ipsius Regis evidenti iudicio approbavit, nostrum in hac parte iudicium approbando, patenter & potenter eidem adhæreas, fidem ei præstatam conservans; ut per hoc divinam & apostolicam gratiam uberioris mercaris. Alioquin, præter divinam offendam, apostolicam quoque censuram incurreret; cum eidem Regi nolimus in suo jure deesse, qui sumus omnibus in sua justitia debitores.

In eundem modum nobili viro Langrazio Thuringia.

In eundem modum Duci Brabantia, principio sic mutato. Certa moltorum relatione didicimus quod ab obsequio &c.

In eundem modum aliis Principibus qui prefato Regi aliquando adheserunt.